

Alexander Tromp di AVP

Pueblo ainda no ta realizando e medidanan tuma door di Gobierno

ORANJESTAD (AAN): Hopi ta esnan cu e aña aki a jena nan formulario di inkomstenbelasting 2005 a bini ta realiza cu cierto afrekpostennan ja no ta vigente mas y riba dje tambe cu interesnan personal paga na instancianan financiero tin un limite mara pa cu esaki.

Segun Alexander Tromp di AVP, por a constata e aña aki cu e maximo cu un ciudadano of pareha por deduci for di su entrada (inkomstenbelasting 2005) na interes personal ta 7.500,00 Florin. Y pa e aña fiscaal 2006 ta solamente 5.000,00 Florin esaki lo bay ta (otro aña ora di bay jena e formulario di inkomstenbelasting 2006). Berdad esaki ta regarda un ley cu bastante anjas atras a worde pasa pero nunca esaki a worde publica pa asina e por a worde ehecuta. Gobierno un of dos aña atras a dicidi di publica esaki pa asina duna poder na oficina di impuesto pa ehecuta e ley aki.

Mirando e hecho cu pueblo ultimo anjasnan ta worde azota pa medidanan, costo di bida creciente etc., ainda riba dje Gobierno kier limita nos pueblo tambe pa cu e interesnan cu nan a paga y cu semper nan por a trece esakinan den deducccion riba nan entrada.

Gobierno ta kere cu djies pa placer nos pueblo ta acudi na

instancianan financiero pa bay haci un prestamo y consequentemente bay paga interesnan halto? Klaramente mirando e situacion actual cu nos pueblo ta bibando aden hopi biaha ta pa necesidadnan urgente nan ta tuma decision pa bay haci un prestamo. Awor cu nan ta pagando dicho interesnan personal halto nan ta haya nan mes confronta cu e amargo realidad cu no ta tur e interes cu nan a paga durante e aña coriente ta bini na remarka pa deducccion. Cu Gobierno a dicidi di ehecuta e ley aki mi ta cataloge komo un otro medida pa cu nos pueblo, ja cu consequentia di esaki ta cu e ciudadano of pareha ta haya menos plaka di belasting back (restitutie)

Un otro cambio lamentable ta e eliminacion di ayudo financiero pa cu mantencion di yiunan cu tin nan propio entrada p.e. esnan cu tin

yiunan cu ta studiando afor. Promer cu e cambio di ley un persona of pareha no ta bini na remarka pa kinderaftrek ora e yiu tin su propio entrada of ora cu e ta haya un studiebeurs, manera mayoria di studiantenan Arubiano ta haya ora di bay studia na un otro pais. Pero si e mayor (nan) ta bini na remarka pa aftrek di Buitengewone lasten ora cu for di nan propio esfuerzo ta yuda nan yiu(nan) financieramente. Nos tur sa kon halto e gastonan cu nos muchanan na p.e. Hulanda ta confrontando pa cu nan studie y cu e ayudo financiero di Gobierno (studiebeurs) sigur no ta suficiente. Ta e mayor(nan) ta esnan cu ta lucha cu alma y cuerpo pa yuda nan yiu(nan) financieramente. Awor cu e cambio di ley dicho yudansa financiero di e mayornan ja no ta bini na remarka mas pa aftrek. Berdad a introduci un


aumento di kinderaftrek pa dicho yiunan cu ta studiando afor pero lamentablemente den hopi caso e suma aki no ta beneficioso manera e tabata promer cu e ley a cambia. (deduci e gastonan por medio di Buitengewone lasten).

Tur locual cu ta concerni alimentacion na yiunan reconoci no ta bini na remarka mas pa aftrek di buitengewone lasten sino mas bien solamente ta bini na remarka pa kinderaftrek. locual ta hopi menos mes compara si por a deduci esaki komo buitengewone lasten. Aki klaramente ta trata di un otro medida introduci pa e Gobierno aki por medio di belasting. Mientrastanto cu Gobierno ta sigui cu malgastamento di fondo di su finanzas irresponsabelmente, e ta buska e manera di mas facil pa purba drecha su finanzas, cual ta simplemente buska esaki den

e cartera di nos pueblo. Envez di haci estudionan pa mas pronto posibel reduci su gastonan, pueblo por constata cu un otro medida ta na caminda den forma di sales tax (BBO). Mirando e situacion cu nos pueblo ta bibando aden actualmente unda cu su poder di compra a bay atras cu casi 20% caba durante e ultimo añanan, actualmente no ta e momento pa bay introduci un sales tax riba nos pueblo. Nos pueblo no por bay carga ni un peso mas di medida. Mi ta spera cu sano yiucio di nos Gobierno prevalece pa asina hala atras e intencion di introduci dicho sales tax y tambe cuminsa na baha gastonan pa asina cuminsa alivia e situacion financiero malo cu Aruba ta confrontando pa cu e ultimo añanan.

TELEFONNAN DI DIARIO
582-6747- FAX 582-8551

PUEBLO TA HARTA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Bicycle NOBO

Antes Afl. 125,=

Awor Afl. 85,=

Hey peo
CHICK
Sweet 16
priman
friends
ry.luz.gis
e reston
menshon
di m-m
mucha c
bouw pa
pabien e
and onl
scapa!! v

Guess v
DEMAS
anja!!! P
bo dad k
caba cu
lubida b
priman
tur bo ol
ones di
ta - Qu
bow!! Y
tin bo r
gewoon
prima s
demasi
parti tu
cu ta ta
bo e
envidi
hahaha
Dushi
esaki!!!